

萬壽全書

五

漢書門			
三〇二〇	九	五	號類
九	五	函	架冊

內閣文庫			
三〇二〇	九	五	號類
九	五	函	架冊

內閣文庫			
番號	漢	3020	
冊數	6 (5)		
函號	367	91	



新刻蒐集羣書載

紀

海峯生盤目録卷之五

○七十一歲考

作春秋

孔子

精忠不用

劉向

投閣

楊雄

至道九老

李昉

昏白風眩

白居易

耆英會

王拱辰

○七十二歲考

抱麟

孔子

孔子同壽

馮道

與大小錢

黃覺

自顧頽齡

楚建中

狗欲無耻

程伊川

耆英會

王慎

疾歸追謚



朱善初

願不嗜殺

宋漁

有功加爵

姚廣



○七十三歲考

四百甲子 絳縣老人 算得空榔 安定真

夢講東堂 周磐 更較稀 白居易

且暮身 白居易 長樂老 馮道

詔娶內人 陳敏修 知齒妨物 元處士

得一青衫 詹義 今之孟子 陳獻章

死土木難 張輔 歷事五朝 蹇義

○七十四歲考

醉舞孫扶 白居易 風光 白居易

○七十五歲考

至道九老 楊徽之 俸五十千 白居易

定功第一

房玄齡

大孔三年

徐陵

布帛菽粟

程伊川

耆英會人

趙兩

馮行己

言行無愧

楊溥

○七十六歲考

跨鶴而昇

東萊生

遷化

六祖

天門折翼

陶侃

至道九老

魏石

貧宰相

龐籍

耆英會

王尚恭

後無出右

丘濬

○七十七歲考

謁上升坐

公孫景茂

詩聯酒飲

張渾

耆英入

席汝言

空曠水雲

趙抃

○七十八歲考

新村幼弟

老人

雲中火起

道人

同中會

文潞公

火不燼玉

劉安世

○七十九歲考

回鹿山

五佛

至道九老

宋九琪

銅碑鐫篆

沈彬

留俸代祖

楊長孺

詔不起

范鎮

耆英會

富弼

○八十歲考

帝王師

姜子牙

過廉頗

呂岱

容色益少

黎瓊仙

面如桃紅

何志全

八十贊訟

郢更

升降如儀

盧欽守

探策驗壽

漢武帝

貴寵此母

馮偃

叅謀問策

趙克國

口不言老

趙熹

飲菊潭水

胡廣

孝事繼母

胡廣

天下中庸

胡廣

似老嫗

蔡義

舉筆改年

管輅

誘納後進

向朗

其人如玉

宋織

擊賊露布

傅永

夢兩死絹

沈慶之

手錄書籍

沈上麟

與見盛事

張萬福

吾守吾節

顏真卿

乳姑

廣夫人

白首一節

杜衍

朝禮數訖

盧鈞

三主禮闈

裴皞

叅禪

蘓尚書

正旦慶壽

宋高祖

友 兄

司馬溫公

弟子蒼顏

蕝子瞻

退休詩酒

周益公

六老繪圖

史浩

三老儿杖

李克

志氣未衰

楊龜山

增秩致仕

孫逖

書屏

富弼

老鳳飢鳥

曾亮

擲筆隱几

楊萬里

木鴈酒仙

周貫

王佐才

楊士奇

記問談博

宋訥

無恙善終

鍾氏

○八十餘歲考

青鳥伴

緱仙姑

花姑

董靈微

四人羽翼

漢太子

安車迎

申公

歿不世君

公孫弘

焚契

樊重世

山東田夫

李勣

玉筍道者

沈麟

說笛歌

劉禹

政知大體

解琬

有強力

柳公度

老福

晉國夫人

白雲老

劉凝之

華山修道

汪壽鄉

清白吏

雷孚

精思練氣

蘓澄

○八十一歲考

去家無恨

貢禹

守道彌固

韓暨

道成尸解

葛洪

逢一翁

李守

眼腫方

陶弘景

宿德元老

文彥博

流落天涯

蔡京

無為居士

蔡誼

師表當世

范鎮

○八十二歲考

辭榮善終

魏舒

養志衡門

何琦

肉鼓吹

李匡遠

白髮青雲

梁灝

談笑而逝

竇禹鈞

與造物遊

張方平

三備可息

陳堯佐

○八十三歲考

美哉壽

齊桓公

綠醅滿酌

盧真

減筭益祖

龔明之

反幣不見

陳敬宗

○八十四歲考

精爽

紫霞

補闕益

胡廣

名高行潔

管寧

天貴臨門

僧賢寧

三捨佛奴

梁武帝

桃李榮謝

王真

恩仇不介

王翺

直道而行

陶瑛

○八十五歲考

遠至服衰

江慶孫

富貴壽考

郭子儀

醉舞狂歌

鄭據

至道九考

張好問

廣成尸解

杜光庭

几杖乞言

黃中

與物遼絕

陶弘景

○八十六歲考

七九六八

周武王

八十六粒

張文懿

賢良太守

郭伋

孫有祖風

魏謩

道士還鄉

賀知章

瑞堂頌

梁何胤

閉戶著述 吳詠訥

○八十七歲考

賞景吟詩 劉真

○八十八歲考

擊筋謳歌 馮吉 馮翊

世絲堂 廖剛

○八十九歲考

年出羣 胡泉

恩榮逮終 胡澹

○九十歲考

策事尚火 鬻子

烟霞水石

馮平

林泉放曠

朱貫

屺賢善報

王繕時

三樂

榮

成 聖 衛武公

以賢良召

轅 固

日中無影 丙吉

擁旄仗節

諸葛恪

讀老子 嚴君平

崇虛先生

公孫永

頂骨何憂 柳芳

凌雪喬松

王 渙

勸人學業 高允年

相從泉石

趙昌甫

杖履遊 文潞公

恭事幼主

文潞公

懵懂痴憨 王德元

強毅有執

蔣 瑤

○九十一歲考

說秦救魏 唐且

不能為官

馮 唐

口授尚書 伏生勝

自明有餘

嚴 遵

安知朝事 賈 昌

召訪養生

麻希夢

○九十二歲考

太師致仕

文潞公

○九十三歲考

夢

齡

武王

修己守道

顏含

好學不倦

王怒

○九十四歲考

忝最高年

畢世長

崇尚理覺

劉健

○九十五歲考

雪作雪眉

僧如滿

作柳戒詩

衛武公

恭順和貞

虞潭母

○九十六歲考

生子無影

張元始

陳情終養

李密

○九十七歲考

獻女訪還

程彥賓

○九十八歲考

黃帝孫

顓帝

啜糟渴羗

姚馥

松泉須樂

潘思正

古之清貧

高允

坐一化

延壽禪師

遺書辭葬

魏驥

○九十九歲考

小人引道

交趾道士

求官就養

許永言

○一百歲考

四帝百壽

成湯

帝

舜

夏

禹

養性神醫 華他 知音善棋 裴知古

○一百餘歲考

歷事兩朝 張蒼士 授丹悟真 冷謙

天竺國人 佛圖澄 生子孔名 顧琛

○一百三歲考

通知易說 王德元

○一百五歲考

廣寒孝梅 龍廣寒

○一百七歲考

卜筮符祝 葉法善

○一百十七歲考

碧光炯然 巢谷

○百三十六歲考

九老中人 李元爽

○百三十七歲考

善行交接 徐儀君

○百七十歲考

松脂長生 趙瞿

○二百餘歲考

柳箱鐵篋 王仁裕 聞琴瑟聲 趙瞿

能致神 李火翁

○八百歲考

善導引術 彭祖地行仙 李真

○九千餘歲考

腫有青光 黃眉翁

○百二十歲考

○百二十歲考

○百二十歲考

○百二十歲考

○百二十歲考

○百二十歲考

○百二十歲考

○百二十歲考

新刻蒐集羣書紀載大千生鑑卷之五

七十一歲考

○作春秋

哀公十四年魯西狩獲麟孔子作春秋是時年七十一 出

魯史

○精忠不用

漢劉向歷事三帝居列大夫前後三十餘年成帝時王氏

愈盛向著洪範傳論奏知天子心知精忠而不能用迂

中舉校尉年七十一卒 出天祿閣記

○按閣

漢楊雄仕王莽作符命授閣而歿年七十一歲 出漢志

○至道九老

唐李文正公昉居京師以司空致仕至道元年七十一思

白樂天九老之會水部郎中朱昂亦七十一 出唐書

○昏白風眩

唐白居易自叙詩吾今已年七十一眼昏髮白頭風眩 出

樂天文集

○耆英會

宋王拱辰君貺年七十一與耆英會 出宋志

七十二歲考

○抱麟

孔子將終之年麟復至孔子抱之解聖母原繫之紱而

時年七十二 出魯史

○孔子同壽

五代馮道字可道年七十二時人稱與孔子同壽道亦自

為之喜 出五代史

○與大小錢

黃覺因送客都門外入旅舍遇呂洞賓取酒共飲呂曰明

年江南相見如約至江南惟見一道士與大錢七文次

錢十文小錢三文仍與之藥可數寸許囑曰每歲但以

酒磨服可保一歲無疾年至七十二藥亦垂盡覺因悟

而作詩曰床頭曆日無多子屈指明年七十三果以是
歲終世系未詳

○自顧頹齡

宋楚建中字正叔與洛中耆英會年七十二自為詩曰自
顧頹齡七十餘久慙頑鈍費法爐歸逢大老耆英會衰
朽形骸愧畫圖出宋志

○狗欲無耻

宋程伊川先生謂張繹曰吾受氣甚薄三十寢盛四十五
十而後完今生七十二年矣筋骨校之盛年無損也又
曰人待老而求保生是猶貧而後蓄積雖勤亦無補矣
繹曰先生豈以受氣薄而後為保生耶伊川默然曰吾

以忘生狗欲為無耻出自簷編

○耆英會

宋王慎言年七十二亦與耆英會出宋志

○疾歸追諡

明朱善初改籍還鄉後徵翰林待詔陞文淵閣大學士以
疾賜歸卒於家年七十二歲追諡文恪出皇明紀畧

○願不嗜殺

明宋潛溪先生濂屢薦固辭入禮門山著書太祖徵之
問世亂奈何對曰願公不嗜殺人除江南儒學提舉
仕至大傅卒年七十二諡文憲出龍門子集

○有功加爵

明姚太子少師廣孝少從佛教出家妙智菴名道衍洪武八年詔通儒學僧禮部考中不願出仕仍賜僧服還山十五年孝慈高后喪列國親王各奏乞名僧歸國修齋左善世宗泐舉道衍等三名太祖親選道衍住持慶壽寺參太宗潛邸禮遇甚厚及靖難師起宿於幕下登即位授左善世已而曰道衍有功於國宜蓄髮加以官爵時年七十二復原姓姚賜名廣孝陞資善大夫太子少後以賑濟賜玉出震澤紀聞

七十三歲考

○四百甲子

春秋時有絳縣老人曰臣不知紀年臣生之歲正月甲子朔四百有四十五甲子矣師曠曰是歲也魯敗狄于鹹七十三年矣每一甲子六十年合之則七十三年史趙曰亥有三首六身是其日數也士文曰然則二萬六千六百有旬矣出晉志

○箕得室柳

漢安定真善等術成帝時真嘗自筭其年七十三至期果歿又曰北邙青隴上孤櫬之西四丈所鑿之七尺吾葬地也真歿依言往掘得古時室柳即以葬焉出漢野史

○夢講東堂

後漢周磐年七十三謂子曰吾夢先師東里先生與我講于東堂之奧既而長嘆豈吾齒之盡乎其月卒出漢志

○更較稀

白居易詩七十人難到過三更較稀

出樂天文集

○旦暮身

又白居易詩七十三翁旦暮身誓開險路作通津

出樂天

文集

○長樂老

五代馮道歷事四朝自號長樂老著書數萬言壽七十三

卒 出五代史

○詔娶內人

宋陳敏修號市隱居士福州人紹興中黃公度榜第三人

解試四海想中興之美賦修第五韻云葱嶺金堤不日

復廣輪之土泰山玉牒何時清封禪之塵高宗親書

聯粘之殿壁及唱名問云卿便是陳敏修耶復誦此聯

凄然出淚又問卿年幾何有幾子對曰臣年七十三尚

未娶詔出內人施氏嫁之年三十時人戲為語曰新人

若問郎年紀五十年前二十三

出宋志

○知齒妨物

元退處士年七十三口中無齒每磨裝胡餅疾齒如刀年

火不及常言而今方知齒為妨物 世系未詳

○得一青衫

宋詹義以七十三歲登科自作解嘲詩曰讀書詩書五六

擔老來方得一青衫佳人問我年多少五十年前二十

三 出清夜錄

○今之孟子

明陳獻章字公輔由正統鄉貢授翰林檢討不仕師吳與弼務作聖之功學者名為今之孟子號曰白沙先卒年七十三歲廣東新會人 出皇明紀畧

○灰土木難

明張輔字文弼父玉元以忠勇受知文皇帝戰灰東昌追封河間王謚忠武輔雄壯有父風亦灰土木之難卒年七十三追封定興王謚忠烈 出皇明紀畧

○歷事五朝

明蹇忠定公義字宜之卒年七十三歲生平為人沉静處

人和厚歷事五朝五十餘年 出皇明紀畧

七十四歲考

○醉舞孫扶

唐九老香山居士白居易年七十四賦詩云婆婆醉舞遣孫扶 出樂天集

○風光

又白居易詩風光拋得地七十四年春 出樂天集

七十五歲考

○至道九老

唐諫議大夫楊徽之年七十五皆至道中香山九老出唐書

○俸五十千

唐白居易詩壽及七十五俸沾五十千出樂天集

○定功第一

唐房玄齡仕太宗即位以決勝帟幄定社稷功居第一進

左僕射更封魏公居相位十五年壽七十五卒諡文昭

出唐書

○大孔三年

壯齊使來聘梁訪徐陵春秋徐陵曰小如來五歲大孔子

三年謂七十五也出后史

○布帛菽粟

程伊川先生卒年七十五歲朱晦翁贊曰規圓

進允矣君子展也大成布帛之文菽粟之味知德者

孰識其貴出伊川家譜

○耆英會人

宋趙丙字南正年七十五劉幾字伯壽年七十五馮行己字

肅之年七十五俱耆英會人出宋志

○言行無愧

明楊文定公溥字宏濟為人謙謹篤於操履嘗曰士君子

一言一行幽明無愧然後無負於父母生成之恩又曰

人必有躬行之實然後可以訓子孫歷仕四朝卒年七

十五贈太師諡文定出皇明紀畧

七十六歲考

○跨鶴而昇

東桑生不知何許人少遇異人授以修煉之術能辟穀父母欲娶之曰吾不欲為凡世度子孫耳乃閉一室坐養數十年一日謂家人曰吾道成矣遂手畫一鶴于地跨飛而昇時年七十六世系未詳

○遷化

六祖禪師七十有六遷化出傳燈錄

○天門折翼

晉陶侃字士行少時夢生翼飛上天見天門九重登其人

惟一門不得入閤人擊之墜地折其左翼後都督八州

每思折翼之夢不敢自肆年七十六卒贈大司馬封長

沙公出晉志

○至道九老

唐郢州刺史魏石年七十六與至道香山九老會出唐志

○貧宰相

宋龐籍字醇之年七十六致仕家居讀書自娛賦詩曰田

園貧宰相圖史舊書生封穎公謚莊敏出明道故事

○耆英會

宋王尚恭字安之年七十六與耆英會出宋志

○後無出右

明瓊山丘先生濬字仲深年七十六歲卒生平著述甚廣
皆行於世後之人無出其右者仕至武英殿大學士贈
太傅謚文莊 出皇明紀畧

七十七歲考

○謁上升坐

隋開皇上幸洛陽公孫景茂謁上時年七十七上命升殿
坐問其年幾以實對上哀其老嗟嘆久之景茂再拜曰
臣望八十而遇文王臣踰七十而逢陛下上甚悅 出隋書

○詩聯酒飲

唐九老未州刺史清河張渾年七十七詩云詩聯六韻元

應易酒飲三杯未見難 出唐書

○耆英會

宋席汝言字启從年七十七與耆英會 出宋志

○空曠水雲

宋趙抃字閱道自號知非子元豐初告老退居於衢有溪
石松竹之勝與山僧野老游作有高齋詩曰軒外長溪
溪外山捲簾空曠水雲間高齋有問如何答清夜安眠
白晝間年七十七卒謚清獻公 出知非子集

七十八歲考

○新村幼弟

梧州府博白縣地名新村有兩老人坐飲乃兄弟也大者年九十四謂客曰此吾幼弟七十八矣世系名性未詳

○雪中火起

隋有一道人赤身臥大雪中衆叢視之問其名不答問其年曰七十八俄而遍身火起衆駭道人不見出幽異錄

○同甲會

宋文潞公居洛年七十八同時中散大夫程昞朝議大夫司馬旦司封郎中席汝言皆七十八嘗為同甲會潞公有詩云四人三百十二歲况是同庚甲午年占得梁園為賦客合成商嶺採芝仙清談壺、風生席素髮蕭、雪滿肩北會從來誠未有洛中應作畫圖傳出宋志

○火不燼玉

宋劉安世面折廷諍不避黨禍被謫嶺外八州忠地歷遍其七東坡稱之曰劉鉄漢真不可及也年七十八卒揚中立祭之曰劫火洞然不燼惟玉出宋志

七十九歲考

○回鹿山

周匡王五佛年七十九歲死于物尸那城雙樹下葬于回

鹿山

諸經載佛不同並存
備考
出傳灯錄

○至道九老

唐吏部尚書宋琪節度副使武允成皆年七十九歲與至

道九老會 出唐書

○銅碑鐫篆

唐沈彬字子文隱雲陽山學道年七十九歲居阜上有一大樹可數拱嘗示家人曰吾死可塋此既塋穴其処乃古塚見其間儼然一古燈臺上有漆 盞壙頭獲一銅碑上有鐫篆曰佳城今已開雖開不塋埋漆燈猶未葬留待沈彬來 出南史

○留俸代租

宋楊長孺字伯子號東山潛夫師番禺將受代有俸錢七千緡悉以代下尸輸租有詩曰兩年在了髮霜華照管南人沒一些七百萬錢都不要脂膏畱放小民家以敷

文閣直學士致仕年七十九卒 出潛夫年譜

○詔不起

宋范文忠公鎮元祐初首以詔起公曰西伯善養二老來歸漢室及辭四臣入侍公辭曰六十三而求去

年七十九而復來豈去中礼卒不起 出宋志

○耆英會

韓國富公弼年七十九與耆英會 出宋志

八十歲考

○帝王師

周太公姓姜字子牙行年八十不遇于渭水之濱垂釣周大

王出獵前期卜之曰所獵獲之物非熊非羆非虎非貌
乃帝王之師文王至渭水見太公乃同載而歸出周記

○過廉頗

呂岱年八十討破乱賊廖式張承與岱書曰足下上馬輒
自起乘不由跨躡如此足下過廉頗也世系未詳

○容色益少

女道士黎瓊仙年八十而容色益少殮花絕食出南異錄

○四如桃紅

順慶府小方山有滴乳泉道士何志全飲此水年八十而
如桃紅有古詩曰雲液落山谷脉與崑崙通云何山中

叟八十桃顏紅世系未詳

○八十贊訟

有郢吏者自少從事于學行年八十平生無疾言邊色一

歲以贊產故與兄訟對簿八庭出語結曰吾時即對簿
氣亦未動學當知之也人笑之曰昧大而矜小非學也

世系未詳

○升降如儀

盧欽守年八十升降如儀音吐鴻鳴人皆歎服世系未詳

○探策驗壽

漢岱宗上有金篋玉策能知人壽修短漢武探策十八因
倒讀曰八十其後果壽長八十出民俗通

○貴寵北母

世系未詳

漢馮偃自愧矮陋乃為子伉娶長妻生孫生勤長八尺三寸善計光武授郎中給事嘗曰佳乎吏也勤母年八十每朝見詔勿拜令御者扶上殿工曰使勤貴罷者此母也

○參謀問策

漢趙克國年八十朝廷有四夷大儀邊郵重事常與參其

謀問籌策焉

○口不言老

漢光武明章詔曰行太尉事趙熹三葉在位為國元老其以熹為大傅熹時年八十繼母在堂口不言老

○飲菊潭水

漢胡廣寓荆荆有菊潭水廣飲之年至八十心力尤壯狄梁公有壽表引詞云餌胡廣延年之菊

○孝事繼母

胡廣年八十孝事繼母在堂朝夕瞻省傍無几杖口不言老母卒居喪盡禮三年

○天下中庸

胡廣字伯始孝廉為天下第一五遷尚書僕射為太傅時年已八十諺曰萬事不理問伯始天下中庸有胡公在

○似老嫗

漢蔡義為丞相年八十短小無髮髮眉貌似老嫗行步悅

倭常兩吏持夾乃能行 出漢昭故事

○舉筆改年

昔管輅遇一道人叟偕子携酒隨道人入息臺山共飲之

道人因取籍檢視云子壽止十八遂舉筆改之曰八十

其後子年果八十 出漢末志

○誘納後進

蜀向朗字巨達少以吏能見稱為巴西犍犍房陵太守潛

心典籍年八十手自校書刊定謬誤講論古義開門接

賓誘納後進 出三國志

○其人如玉

晉宋纖字令艾年八十篤學不倦酒泉太守馬岌造焉纖

高樓重閣矩而不見岌銘詩示石曰丹崖百丈青壁萬

尋奇木蒼鬱蔚若鄧林其人如玉維國之琛室邇人遐

實勞我心 出晉志

○擊賊露布

元魏傅永字修期年八十為南兗州刺史猶能馳射繫馬

奮稍帝曰上馬能擊賊下馬能露布惟傳修期耳 出魏志

○夢兩足縮

南宋沈慶之字弘先臨賜死方年八十夢有人以兩足縮

與之曰此縮足度寤而謂人曰老夫今年不免矣兩足

八十尺也足度無餘也 出南史

○手餘書籍

齊沈上麟家素藏書籍條遭火焚毀數千卷麟年八十尚

手錄補約數十篋 出南史

○與見盛事

唐張萬福為金吾將軍裴延齡讒諸陸臣等德宗怒夫解

諫議陽城等詣延英門疏論萬福聞諫官伏閣往至延

英門大言賀曰朝廷有直臣天下必太平矣諸諫議能

如此天下安得不太平臣年八十與見盛事已而連呼

太平太平徧揖城等勞之天下益重其名 出唐書

○吾守吾節

唐顏真卿改太子太師李希烈陷汝州盧杞乃請遣真卿

往論詔可既見希烈時使者皆在坐晉真卿真卿叱曰

吾年且八十官太師吾守吾節歿而後已豈受汝等脅

耶諸賊失色 出唐書

○乳姑

唐崔滄曾祖母長孫氏年八十無齒不粒食祖母唐夫人

乳其姑姑賴其養數年康健 出唐書

○白首一節

唐杜衍字世昌登進士素有政聲慶曆中大拜人號為清

白宰相至和中年八十退居睢陽與王渙等為睢陽五

老錢明逸序曰蹈榮名而保終吉却貴勢而躋遐者白

首一節人生所難衍自為五老詩曰五人四百有餘歲

俱稱分曹與掛冠天地至仁難補報林泉幽致許盤桓

花朝月夕隨時樂雪髮霜髯滿座寒若也睢陽為故事
何妨列向畫圖者 出祁國年譜

○朝禮歎訖

唐太子太師盧鈞年八十進朝舍元殿自樂懸南步及殿
墀稱賀上前舉手中礼士大夫嘆之太子少師柳公權
亦年八十自樂懸南步至殿下力已委頓及上尊號聖
敬文思和武光孝皇帝公權歎曰光武和孝御史彈之
罰俸一季時譏公推不能退身自止 出唐書

○三主禮闈

五代裴皞官至禮部尚書放三榜四人孫相棗維翰竇正
固張礪馬裔孫是也清奉二年裔孫知貢舉終放榜謝

恩即引諸生詣座主裴公宅詣拜裴公以詩示之曰官

途最重是文衡天典愚夫著盛名三王禮闈年八十門

生門下見門生 出五代史

○參禪

蘓尚書八十猶參禪大瀉以手指破金面棋盤尚書尋悟

世系未詳

○正旦度壽

宋高祖紹興二十九年正旦太后年八十行慶壽禮 出宋志

○友兄

宋司馬溫公與其兄伯康友愛尤篤伯康年八十公奉之
如嚴父保之如嬰兒每食少頃則問曰待無飢乎友少

冷則問曰衣得無薄乎 出温公家譜

○弟子蒼顏

宋蘓子瞻道觀詩山行漸覺鳥聲殊漸近神仙簡寂居門外長溪容淨足山腰苦筭歌盤蔬喬松定有藏丹處大仍存拜斗餘弟子蒼顏年八十養生世之授遺書 出東坡文集

○退休詩酒

宋周益公名必大字子克廬陵人以太傅退休其兄秉成先生以將 出宋志 休年皆八十詩酒相娛者終其身

○六老繪圖

宋史魏公浩字真翁掛冠歸四明淳熙乙巳歲

十置酒高會簪纓樽俎極一時之盛公之女兒年

十二四弟皆享長年其季亦六十餘同氣至親舉相

屬 屬朱顏華髮成壽而康里社親黨嘆仰盛事悉圖繪之 出淳熙故事

○三老几杖

宋李充字大遜延平中詔舉隱士徵克為博士後年八十以為國三老賜以几杖 出翰墨大全

○志氣未衰

武夷胡氏稱楊龜山曰先生造養深遠燭理甚明昆跡同塵知之者鮮行年八十志氣未衰精力少年殆不能及

○增秩致仕

宋孫述父嘉之年八十猶為令逖求降外官乞增父秩上

嘉納拜嘉之宋州司馬致仕 出宋志

○書屏

宋富弼字彥國封鄭公進封韓公年八十書坐屏云守口

如瓶防意如城 出宋志

○老鳳飢鳥

宋曾公亮字明仲登宋郊榜第五人歷官至中書年雖老

精力不倦故無非之者惟李後主作詩曰老鳳池邊

去飢鳥臺上禁無聲以太傅致仕卒年八十謚

封魯國公 出熙寧故事

○擲筆隱几

宋楊萬里字廷秀號誠齋先生際遇三朝始終一節孝宗

稱其仁者勇又曰書生知兵寧宋朝除自謨閣學士年

八十自書十四言擲筆隱几而沒 出宋志

○木鴈酒仙

宋治平熙寧間有周貫自號木鴈子往來西山人問其壽

答曰八十西山作酒仙麻鞋踏斷布衣穿相逢甲子君

休問太極光陰不記年 出宋志

○王佐才

明楊文貞公士奇幼孤貧力學王叔英見而奇之曰此王

即佐才也薦入仕至翰林學士卒年八十 出皇明紀畧

○記問談博

明宋訥字仲敏好讀記問談博登元進士入仕 國朝官

至翰林學士卒年八十 出皇明紀畧

○無恙善終

明鍾氏女志貞其出適守節 詳見二十 志貞撫成一子見

生五孫曾孫亦見其盛享年八十無恙善終亦完節之

應也 出明朝野史

八十餘歲考

○青鳥伴

緱仙姑長沙人入衡山修道年八十餘孑然無侶居傍南

岳魏夫人仙壇忽一日青鳥飛來自言南岳夫人 也

以姑修道精舍命我為伴每有人遊山青鳥必預言其

姓名一日鳥曰今夕有暴客至姑無怖果有羣僧持火

挺刀將害姑 詳世系未 床上皆不見而出為虎所殺

○花姑

女道士董靈微年踰八十貌若嬰孺號為花姑 出神異錄

○四人羽翼

東園公綺里季夏黃公角里先生四十年高隱高山上欲

易太子呂后令呂澤使人奉太子書卑詞厚禮迎四人

至及宴置酒太子侍四人者曰太子年皆八十餘衣冠

甚偉上見之曰羽翼已成難搖動矣 出漢書

○安車迎

漢武帝以東帛加璧安車蒲輪迎申公時申公年已八十

餘 出漢志

○死不世君

漢武帝好輕服微行公孫弘數諫弗從弘謂其子曰吾年以八十餘上擢為宰相士猶為知己况不世之君乎今主上微行不已社稷必亡遂自殺上聞而悲之自為誄 出漢武故事

○焚契

漢世祖之舅樊重世善農稼貨至萬而賑贍宗族恩加鄉

閭年八十餘終素所假貸人數百萬遺令焚削文契 出漢志

○山東田夫

唐季勸疾諸子以藥進勸止之曰我山東田夫耳位至三公年踰八十非命乎歿生繫天寧就醫求活耶 出唐書

○玉筍道者

唐沈麟年過八十耳目聰明手寫細書三年滿數十篋學道於玉筍山常衣單褐風雪不易嗜酒工詩人呼為沈道者 出唐書

○說笛歌

唐劉禹武昌老人說笛歌武昌老人八十餘手把庾令相

問書自言年少學吹笛早事曹王曾感激一聲占書秋
江月如今老去興猶遲 出唐志

○政知大醉

唐解琬為滄州刺史為政知大休以金紫光祿大夫致仕
年八十餘卒 出唐書

○有強力

唐柳公度善攝生年八十餘有強力常云吾初無術但未
以煖冷物熟生物侵氣海及不以元氣佐喜怒耳 出唐書

○老福

宋太平興國宰相張文定公齊賢之母孫氏年八十餘封
晉國夫人太宗名見撫之曰婆、老福 出宋志

○白雲老

宋劉凝之養犢為騎陳舜俞作騎牛歌稱凝之為白雲老
年八十餘卒 出宋志

○華山修道

宋得壽鄉善脉藥動見神効且年之術享年八十餘
遂入華山修道 出宋志

○清白吏

宋雷孚政和初登第宰宜春俸吏事清白年八十餘
卒 出宋志

○精思練氣

宋蘓澄善養生年八十餘容貌甚少人問之故曰不過精

九十生金
思練氣耳 出宋志

八十一歲考

○去家無恨

漢貢禹上書臣禹大馬之齒八十一自痛去家三千里誠

恐一旦頭仆不能自還乞骸骨生歸鄉里死無所恨 出

漢志

○守道彌固

魏韓暨字公至詔曰暨深身浴德志節高潔年踰八十字

道彌固可謂純篤老而益邵者也 出魏志

○道成尸解

晉葛洪字稚川煉丹成道自號抱朴子卒年八十一顏色

如生体亦柔軟舉尸入棺如空衣然人謂之尸解 出晉志

○逢一翁

李守為承旨奉使過海至瓊道逢一翁自稱湯避舉年八

十一其叔父皆年二百二十餘又見其祖宋鄉年九十

五次見雞窠中有小兒出頭下視宋鄉曰此九代祖也

不語不食不知年幾 世系未詳

○眼腫方

五代陶弘景年八十一眼腫子有時而方 世傳仙人眼腫

史

○宿德元老

司馬光言文彥博宿德元老宜起以自輔哲宗乃詔起平章軍國重事六日一朝一月兩赴經筵班宰相上恩禮甚渥時年八十一矣 出宋志

○流落天涯

宋蔡京字元長南遷道中市飲食問之蔡氏皆不肯售且極言詬罵元長輜中歎曰京失人心一至此乃作詞曰八十一年住世四千里外無家如今流落向天涯夢到瑤池闕下玉殿五回命相彤庭幾度宜麻止因貪恋此榮華便有如今事也後數日卒 出宋志

○無為居士

宋蔡誼字伯恭家居不仕築義方書院有志于學者居食

之自號無為居士邑有不平不訟之官而決於誼年八十一子明發登第官至承議郎 出紹聖故事

○師表當世

宋范鎮字景仁兩入翰院四知貢舉當時士大夫論天下賢者必曰君實景仁謂其道德風流足以師表當世屢疏乞致仕年八十一而卒諡忠文 出熙豐故事

八十二歲考

○辭榮善終

晉魏舒字陽元晉武朝拜司徒有威重德望祿賜散之九族冢無餘財屢告致求退時論以三公辭榮善終未有

如舒者也年八十二卒 出晋志

○養志衡門

晉何琦字方倫耽玩典籍養志衡門以琴書自娛辟命皆

不就年八十二卒 出晋志

○肉鼓吹

李匡遠性急一日不断刑^則慘然不樂嘗聞捶撻之聲曰此

一部肉鼓吹年八十二卒後果有盜發其墓分其四肢

世系未詳

○白髮青雲

宋梁灝年八十二中狀元及第謝啓云皓首窮經少伏生

之八歲青雲得路多太公之二年謝恩詩天福三年來

應舉雍熙二載始成名饒他白髮中中滿且喜青雲足

下生觀揚更無朋輩在歸家惟有子孫迎也知年少登

科好爭柰龍頭屬老成 出宋志

○談笑而逝

宋竇禹鈞好積陰德 詳見三十年八十二五子八孫皆貴

頭沐浴別親戚談笑而逝 出宋志

○與造物遊

宋張方平號乘全先生有文集蘇東坡為之序曰公今年

八十二杜門却掃終日危坐將與造物遊於無何有之

鄉 出樂全年譜

○三儉可息

八十二歲卷五

陳堯佐將終自誌其墓曰宋穎川先生堯佐字希元年八十二不為天官一品不為賤婦相納祿不為辱三者倘可

八十三歲考

○美哉壽

齊桓公見麥丘老人問年幾何對曰八十有三矣公曰美哉壽乎子其以子壽祝寡人邑人曰祝主君甚壽金玉是賤人民是寶公曰至德不孤善言必再吾子復之曰祝主君使無羞學無惡下問賢者在傍諫者得人公曰至德不孤善言必三吾子復之曰祝主君使無得罪於

羣臣百姓 出春秋傳

○綠醅滿酌

唐九老會中范陽盧真年八十三詩云先時共作三朝貴今日猶逢九老翁但願綠醅常滿酌烟霞萬里會應通

○咸算益祖

宋龔明之字熙仲幼孤鞠於祖母李氏李嘗語曰吾少時夢綠袍判官許我年七十七及至是期果病亟明之焚香叩天愿減已壽五年以益祖母李病遂愈至八十三終 出淳熙故

○反幣不見

明陳敬宗字光世登永樂進士累官至南國子祭酒王振素慕其名欲致之門下以敬宗書法甚高假致幣求書激彼來謝所求書程子四箴敬宗即走筆書之而友其幣竟不往見故為祭酒十八年不遷士大夫益高其風第卒年八十三出皇明紀畧

八十四歲考

○精爽

紫霞學道妙庭觀其徒甚衆年八十四精爽如常一日語徒曰我將歸矣遂逝世系未詳

○補闕益

漢胡廣為太傅年八十四練達事體明解朝章雖無蹇直之風屢有補闕之益在公台二十餘年禮任甚優出漢志

○名高行潔

管寧字幼安名行高潔望之若不可及而之熙熙和易能因事導人于善人皆化服年八十四卒天下知與不知聞之無不嗟嘆出三國志

○天貴臨門

唐太宗時僧贊寧克史館編修壽八十四王處訥推其命孤薄三命禽略六壬遁甲俱無壽貴之處謂寧曰師生時正得天貴星臨門必有列土侯王在戶寧曰母嘗謂其生時方卧草錢大穆王元瓘往臨安縣拜塋至門雨

作避于茅簷甚久浣浴襁藉徘徊方去 出唐書

○三捨佛奴

梁武帝好善持齋求長生三捨身為佛家奴得年八十四歲不免於崩 出梁志

○桃李榮謝

明王直字行儉號抑菴由進士至吏部尚書致仕自為詩曰最愛東園桃李花可堪飄蕩委泥沙人生榮謝皆如地不用臨流起歎嗟卒年八十四贈太保諡文端 出皇明紀略

○恩仇不介

明王吏部尚書翔為人端方嚴毅清白儉約公餘退宿門

無私謁權勢囑托婉而拒之千恩仇一不介意嘗曰吏部豈報復恩仇之地耶年八十四卒 出皇明紀略

○直道而行

明陶兵部尚書瑛為人質諒諄謹直道而行不以進退為喜怒言不說激事不避難卒年八十四諡恭介 出皇明紀畧

八十五歲考

○遠至服衰

江夢孫集門生講釋經義後夢孫卒年八十五塋之日自遠方至者幾人而服衰者百許 世系未詳

○富貴壽考

唐郭子儀年八十五富貴壽考子孫顯盛人世無比出唐書

○醉舞狂歌

唐九老會中滎陽鄭據年八十五詩云醉舞兩迥近勸酒

狂歌一曲會余身出至道故事

○至道九老

唐太子中允張好問年八十五歲亦與九老會出至道故事

○廣成尸解

唐杜光庭進取不利入天台山學道為道門領袖後遷隱

于青城山蜀王建封為廣成先生年八十五歲尸解云

出唐書

○几杖乞言

宋黃中字通老紹興中以言不見用浩然有歸志乃陳

要道晦翁致書曰明公兩朝元老上還印綬天子賜几

杖而乞言焉以學士致歸年八十五卒出宋志

○與物遼絕

宋陶弘景自號華陽真逸隱居築三層樓自處其卜弟子

處其中賓客至其下與物遼絕善辟穀導引之術年八

十五無病而逝追謚貞白先生出宋志

八十六歲考

○七九六八

河洛曰文命者七九而哀以武興者六八而謀文王九十
七而終武王八十六代紂七九六八言之倒也 出周紀

○八十六粒

張文懿為外洪令一道士熟視文懿頃間出藥十粒又懿
餌之道士微笑復取之至九十粒即吐道士止之使再
餌復吐其四實餌八十六粒懿年八十六歲未嘗有一
疾 世系未詳

○賢良太守

漢郭伋字細侯建武中為潁川太守河潤九里帝勞曰賢
良太守後至并州益結恩德行部河西兒童俱竹馬揆
道相迎徵為太中大夫年八十六卒 出漢志

○孫有祖風

唐魏謩字申之徵五世孫也宣宗朝拜相議事天子之前
規諷謹切上曰謩名臣孫有祖風年八十六卒贈司空
出唐書

○道士還鄉

唐賀知章字季真年八十六工表乞為道士還鄉明皇許
之捨宅為觀賜名千秋仍賜鑑湖剡溪一曲詔令供帳
東門百僚相餞御製詩送之詩曰遺榮期入道辭老競
投簪豈不惜賢達其如高心尚懷中得秘訣方外散幽
襟獨有青門餞羣英悵別深 出唐書

○瑞堂頌

八十二歲

大正生錄 八十七歲考

梁何胤居雲門武帝詔給白尚書祿堅辭不受遷居四衣

望山別為小閣時值山水驟起胤寢處其中其閣巋然

無恙太守王元簡作瑞堂頌刻石旌之年八十六卒

梁書

○閉戶著述

明吳丈恪公訥字敏德自幼刀學尚義兼善醫術永樂中

拜監察御史歷僉都副都御史懇乞致仕還家閉戶著

述家務悉委諸弟卒年八十六著述頗多行於世

菴集

出思

八十七歲考

○賞景吟詩

唐九老會中廣平劉真年八十七詩云賞景當知心已退

吟詩猶覺力完全

出道故事

○烟霞水石

唐睢陽五老馮平年八十七歲詩云醉春園烟霞暖吟聽

秋潭水石寒

出唐書

八十八歲考

○擊筋謳歌

唐九老會中馮翊吉昉年八十八詩云低腰醉舞垂緋袖

擊筋謳歌任褐裾

出至道故事

大正生錄

八十八歲考

下

○林泉放曠

唐睢陽五老朱貫八十八歲詩云鶴髮俱宜頂道冠乍到

林泉能放曠出唐書

○世絲堂

宋廖剛字用中累世以華髮奉養曾大母年九十三曾大父年八十八公名其堂曰世絲陳公等播之聲詩出宋志

八十九歲考

○年出羣

唐九老會中安定胡果年八十九詩云間居同會在三春

大托愚年最出群出會昌故事

○庇賢善報

宋司門郎中王繕時魯宗道為司戶參軍御下嚴庫吏怨之訐魯私貸緡錢於州并劾繕論魯勿認第歸之繕卒之繕認罪而魯無恙得叅大政繕晚年復用子孫蕃衍壽八十九卒亦庇賢為善之報也出宋志

○恩榮逮終

明胡忠安公澐為人廉靜寡慾居官淡薄敬慎立朝幾六十年尚書三十餘載恩榮逮終世莫能比卒年八十九出皇明紀畧

九十歲考

○策事尚少

周鬻子年九十謁文王文王曰嘻老矣鬻子曰使臣驅遂
獸免則臣為老使臣坐策國事則臣尚少文王遂立為
師 出意林

○三樂

孔子遊太山采啓期鼓琴而歌樂孔子問之故答曰吾得
為人一樂也得為男二樂也人有不免襁褓者吾行年
九十矣三樂也 出春秋紀

○成聖

衛武公九十歲成聖

出睿聖集

○以賢良召

轅固齊人治詩不事漢武帝立復以賢良召至老罷歸年

已九十矣

出漢志

○日中無影

漢陳留有富翁年九十取田父女為婦一交始便生得男
大男謂其非父種數年爭財州郡不能決丞相丙吉思
維良久言曾聞真無影老公子亦無影又不耐寒可
共試之時八月取同年小兒俱裸体地兒獨啼言寒又
並今日中行獨無影人咸服之 出漢志

○擁旄仗節

漢諸葛恪曰昔師尚父九十擁旄仗節猶未告老 出漢志

○讀老子

九十歲卷五

三十

嚴君平善易卜筮日得百錢自養閑肆下簾讀老子年九

十歲 出漢志

○崇虛先生

公孫永隱於平郭南山吟詠岩間陶然自得年九十探尚

不虧謚曰崇虛先生 世系未詳

○頂骨何憂

唐柳芳為郎中其子登疾重時張萬福善醫初除泗州與

芳故舊芳賀之具言子病唯恃故人一顧也張詰旦候

芳遽引視登遙視登頂曰有此頂骨何憂也因按脉

五息復曰不錯壽且逾八十乃留芳數十字登後為庶

子年九十 出唐書

○凌雪喬松

睢陽五老會中王渙九十歲詩云龐眉老叟俱稱壽凌雪

喬松豈畏寒 出唐書

○勸人學業

北魏高允年字伯恭年九十猶勸人學業風化頗行 出北

○相從泉石

宋章泉趙昌甫兄弟但隱玉山之下蒼顏華髮相從千泉

石之間皆年九十 出宋書

○杖履遊

宋文潞公有園水湫涘甚廣泛舟遊者如在江湖間潞公

年九十官太師尚時杖履遊之 出潞公家譜

○恭事幼主

哲宗時文潞公為相年九十矣對上甚恭或問程伊川曰潞公之恭何如子伊川曰潞公大臣事幼主不得不恭

○懵懂痴憨

元王德元字仲德其先女直人少慕全真之教遍遊名山叅鉄牛定禪師悟道自為贊曰懵懂痴憨白髮老贊一念萬年在世出世其與人遊處不為崖絕之行雖弟子第亦親為執爨所食不擇潔修所居不求安逸意有所適輒飄然長往年九十歲日行百餘里步履如飛

○強毅有執

明工部尚書蔣瑤為人端亮清平貌若恂恂遇事不奪

武宗嘗索其所治獻賂輒以非土產却之一日調揚州

武宗詰曰亭白布非揚有瑤不得已進五百疋其強毅

有執如此卒年九十贈太子大師諡恭靖

九十一歲考

○說秦救魏

魏人有唐且者年九十一謂王曰老臣請西說秦救魏王曰諾敬約車遣見秦王秦遂發兵救之

○不能為官

漢武帝求賢良舉馮唐、時年九十餘不能復為官乃以

唐子馮遂為郎 出漢志

○口授尚書

漢狀生名勝濟南人為秦博士文帝時使伏生授尚書時年九十餘不能行使晁錯往聽其口授焉 出漢志

○自明有餘

漢嚴遵字君平賣卜成都蜀人羅冲為具車馬衣糧勸之仕君平曰我有餘君不足奈何以不足奉有餘冲曰吾宦家萬金子無擔石何謂有餘君平曰我見子晝夜汲汲未嘗有足我賣卜不下床而錢自至是我有餘而子不足也屢召不就年九十餘以其業終 出漢志

○安知朝事

唐元和間賈昌年已九十餘人問開元之治昌曰年少時以鬪雞求媚于上安知朝廷之事也 出唐書

○召訪養生

宋叅軍麻希夢年九十餘致仕太宗召至闕下訪以養生之理對曰惟少情寡慾為聲色薄滋味故至北上嘉之賜金紫致仕 出自警編

九十二歲考

○太師致仕

文潞公請老致仕終起平章軍國請老不已復以太師致仕壽年九十二 出宋志

九十三歲考

○夢齡

文王謂武王曰女何夢矣武王對曰夢帝與我九齡文王曰女以為何也武王曰西方有九國焉君王其終撫諸文王曰非也古者謂年為齡齒亦齡也我百爾九十吾與爾三焉文王九十七乃終武王九十三而終出周紀

○修已守道

晉顏含為光祿勳以老遜位郭璞嘗欲為之筮含曰年在天位在人修已而天不與者命也守道而人不知者性也自有性命無勞著龜致仕二十餘年九十三歲而卒

出晉志

○好學不倦

明王恕字宗貫生平好學不倦多所著述由正統進士官

至吏部尚書太子太保卒年九十三贈太師諡端毅出

皇明紀畧

九十四歲考

○忝最高年

睢陽五老會中畢世長九十四歲詩云非才最忝最高年

眷待優隆荷歲寒出至和故事

○崇尚理學

大行年益 九十三歲考

明劉捷字希賢登天順進士授翰林編修崇尚理學不仕
華藻仕至吏部尚書華蓋殿大學仕年九十四卒贈大
師諡文靖出皇明紀畧

九十五歲考

○雲作鬚眉

禪僧如滿歸洛年九十五人贈詩云雲作鬚眉雲作衣邊

東華表暮双歸世系未詳

○作抑戒詩

衛武公年九十有五猶箴儆于國曰自鄉以下至于師
士苟在朝者無謂我老耄而舍我必恪恭于朝以交儆

我遂作抑戒之詩以自警出春秋傳

○恭順和貞

晉虞潭母孫氏恭順和貞有婦德潭拜武昌侯孫封大夫
人王導以下皆就封焉在九十五謚曰定夫人出晉志

九十六歲考

○生子無影

張元始年九十有七方生一子其子行日中無影世系未詳

○陳情終養

晉李密祖母劉氏年九十有六密上陳情表乞終養出晉志

九十七歲考

○獻女訪還

程彥賓攻遂寧城下之日左右以三處女獻皆殊色公訪其父母還之泣謝曰願太尉早建旌節彥賓曰但得死時無病便好後年九十七果無病而遊 世系未詳

九十八歲考

○黃帝孫

黃帝之孫顓帝在位七十八年壽九十八歲

出上古傳

○啜糟渴羗

晉武帝時一羗人姓名馥年九十八好讀書嗜酒善戲

笑滑稽常歎曰九河之水不足以漬麴蘖八教之木不

足以作薪蒸七澤之糜不足以克庖俎凡人粟天地之

精靈不知飲酒者動肉含氣耳何必木偶於心識乎好

啜濁糟常言渴於醇酒人狎之呼為渴羗

出王于年格

遺記

○松泉須樂

唐潘師正居逍遙谷年九十八高宗幸問所須對曰茂松

清泉之樂臣所須也率謚体玄先生

出唐書

○古之清貧

杜魏高允有奇度偉望孝文即位拜中書令呼為令公嘗

幸其第見其草屋布被帝曰古之清貧有如此乎時年

九十八賜帛五百疋粟千斛 出壯

○坐化

宋延壽禪師初為縣吏因買放生虧耗庫錢罪當或臨刑

顏色愉之錢王釋其罪遂修行為僧九十八歲合掌坐

化 出宋志

○遺書辭塋

明魏驥字仲房由永樂鄉貢仕至南吏部尚書為人端謹

祇慎簡約致仕家居二十餘年不別治生業病革遺書

付子冠辭御祭勿動擾鄉里經營墳墓有司請得如

例塋祭冠率以遺書辭之卒年九十八謚文靖 出皇明

紀畧

九十九歲考

○小人引道

萬州城南有道士年九十九自言交趾人因渡海船壞結

菴於此養一雞大如倒挂子日置枕中啼即夢覺又畜

一胡孫小子蝦蟆以線繫几案間道士飯已即登几食

其辭又有龜狀如錢置盒中時使出戲衣褶間僧惠洪

見之戲曰公小人國中引道人也 世系未詳

○求官就養

元許永言父瓊年九十九求一官以就養太祖乃召見問

近事瓊甚能記後授永郾城令 出元志

一百歲考

○四帝百壽

少昊在位八十年年一百歲

帝舜在位三十九年壽一百歲

夏禹受舜禪在位九年壽一百歲

成湯在位十三年壽一百歲

○養性神醫

華佗字元化曉養性之術更神於醫年百歲在漢末醫閔

雲長公割臂刮骨去箭毒後雲長被陷而沒後醫曹操

其腦探疑而殺之 出三國志

○知音善

唐裴知古以知音直太常路逢乘馬者聞其聲竊曰此人

當墜馬好事者隨觀之果然又見人迎婦聞婦佩玉聲

曰此婦不利姑是日姑果以疾歿其知音大率如此驗

也又善於堪衛開元十二年終年且百歲 出隋唐嘉話

一百餘歲考

○歷事兩朝

張蒼秦時為御史歸漢以文學律曆為漢名相歷事兩朝

年老無齒食女子乳百有餘歲卒 出漢志

○授丹悟真

冷謙字啓敬號龍城子元中統初與劉秉忠從汝門海雲遊傳學精易百家方術靡不洞習至元間秉忠為相謙乃棄釋隸淮陽遇異人授中黃大丹傳張氏悟真之旨迨至正間年百餘歲矣顏如孩童值朱髮之亂避地金陵日賣藥市中神效駭人

出元志

○天竺國人

佛國澄姓帛氏天竺國人晉永喜四年來洛邑已百餘歲

出晉志

○生子孔名

晉顧琛母孔氏年百歲晉平吳封為貞烈將軍及孫恩亂

錄

東土飢荒孔氏散家糧以賑邑里全活者衆生子皆以孔名

出晉志

一百三歲考

○通知易說

王德元得道或云為李壇帳下卒或云嘗受學於容城劉因通知易說至正二十年四月卒於京師年一百三歲其弟子中吳曹澹然知其事

出廣

一百五歲考

○廣寒考梅

龍廣寒江湖異人也事母至孝六月一日其母壽方卷北
牖舉觴忽梅花一枝入牖香色佳絕人以孝梅稱之贈
詩者甚多唯有一絕最膾炙其詩曰南風吹南枝一白
照萬綠歲寒誰知心孟宗林下竹後孝梅百有五歲猶
童顏綠髮人以為孝感所致出廣容談

一百七歲考

○卜筮符祝

葉法善撫州人能陰陽卜筮符祝之術卒年一百七歲出唐書

百十七歲考

○碧光炯然

宋巢谷字元修與二蘇同鄉二蘇在朝并未一見坡謫海
表谷徒步訪之握手而泣至紹興八年無錫縣有道人
曰眉山巢谷年一百一十七歲腫子碧光炯然以十月
二十一日遍告邑宋還館閉戶而去出夷堅志

百三十六歲考

○九老中人

李元爽年一百三十六歲亦九老會中人出宋志

百三十七歲考

○善行交接

有異人對漢武帝曰長陵徐氏號儀若善傳東方朔之術
今年已百三十七矣視之如童女諸侯貴人更迎致之
問其道術惟善行交接之道無他法也 出漢武故事

百七十歲考

○松脂長生

上黨趙瞿病癩垂死有仙人賜以松脂云可長生瞿服之
年漸至一百七十歲 世系未詳

二百餘歲考

○柳箱鐵篋

宋太原王仁裕家遠祖母約二百餘歲形質耿小約三西
尺許两眼白睛皆碧飲啗至少夜多不睡每月餘忽不
見數日復至亦不知其往來之迹床頭有柳箱可尺餘
封鎖甚密人未嘗得見其中物嘗戒諸孫曰如我出慎
勿開此箱開即我不歸也諸孫中有一狂者恃酒見祖
母不在徑詣床頭取封鎖柳箱開之其中惟一少鉄篋
子餘無他物自是祖母竟不回矣 出王陶諺測

○聞琴瑟聲

上黨趙瞿年百七十時夜見有采女二長一二寸遊戲口
鼻間如是一年此女長如大人在側聞琴瑟聲瞿壽新

臻二百餘容色如小童乃入抱犢山世系未詳

○能致神

漢李少翁年二百餘歲色若童子上拜為文成將軍時所幸李夫人歿上甚思悼之少翁云能致其神乃夜張帳明燭令上居他帳中遙見李夫人不得就視也後文成又以祭太乙無應上怒殺之文成被誅月餘使者從關東還逢於渭南謂使者曰為吾謝上好自愛四十年後求我於蓬山方將共事不相怨也上復大悔復徵諸方山出漢武故事

八百歲考

○善導引術

傳云彭祖姓篋名鏗歷虞夏至高壽八百歲善導引術有

疾則閉氣以攻所患運行躰中達趾末即躰和矣又

服藥百顆不如獨卧厚本末

○地行仙

李真蜀人也得仙常往來人間年有八百歲白鹿先生謂

陳搏曰地神仙李八百也動則八百里故宅在筠州治

楊誠齋有詩曰李真宅子故依然道院西偏古洞前一

日身遊八百里三番花落九年年劔池丹井俱蒼蘚絳

節霓旌已碧天借問飛仙那用步行猶是地行仙出

神異錄

九千餘歲

○瞳有青光

東方朔遇一老母採桑於海隅又有一黃眉翁隨之曰此
媯為吾妻吾却食吞氣已九千餘歲矣方朔見母與翁
目中瞳子俱有青光能照幽隱之物出方朔傳

